

Siunnersuut uunga: Kalaallit Nunaanni angallannermut inatsisip allannguutaa (nunap isikkua eqqarsaatigalugu sumiiffinni biilinit oqinnerusunut, biilinillu taakkunanga aquttunut niaqqumut illersuuteqarnissamut piumasaqaat) pillugu Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut
(Ineqarnermut, Attaveqaasersuutinut, Isorliunerusunut Upalungaarsimanermullu Naalakkersuisoq)

Uunga siunnersuut: Kalaallit Nunaannut angallannermut inatsisip allangortinneqarnissaanut inatsit (Kalaallit Nunaanni misissuisarnermik aaqquissuussineramik pilersitsineq) pillugu Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut
(Ineqarnermut, Attaveqaasersuutinut, Isorliunerusunut Upalungaarsimanermullu Naalakkersuisoq)

Akissuteqaat

(Ineqarnermut, Attaveqaasersuutinut, Isorliunerusunut Upalungaarsimanermullu Naalakkersuisoq)

Aappassaaneerineq

Kalaallit Nunaannut angallannermut inatsisip allangortinneqarnissaanik siunnersuutini taakkunanga marluusunik Sanaartornermut Ataatsimiititaliap peqqissaarullugit suliaqarneranut, Naalakkersuisut sinnerlugit qutsavigaara.

Naalakkersuisut naammagisimaarinnillutik maluginiarpaat, siunnersuutit marluullutik akuersissutigineqarnissaat ataatsimiititaliami ilaasortat tamarmiullutik inassutigigaat.

Naalakkersuisunit maluginiarparput, biilinit oqinnerusunut aalajangersakkat eqaannerusut isumannaallisaanikkut piumasaqaatinik ilaqarnissaat ataatsimiititaliap pingaartikkaa, soorlutaaq najukkani, nunamilu pissutsit isiginiarlugu biilinit misissuisarnermi aaqquissuussinerup atuutsinneqalernissaa, suliallu nanginneqarnerani kommunit peqataatinneqarnissaat ataatsimiititaliamit pingaartinneqartoq.

Naalakkersuisut angallannermut inatsimmik nangitsillutik suliaqarnerini taakku ilaatinneqassapput.

Taamak naatsumik oqaaseqarlunga siunnersuut Inatsisartunit oqaluuserineqartussanngorlugu ingerlateqqippara.